

BOSNA I HERCEGOVINA

VIJEĆE MINISTARA BOSNE I HERCEGOVINE

**KOMISIJA ZA REGISTRACIJU OZNAKA PORIJEKLA, OZNAKA
GEOGRAFSKOG PORIJEKLA I DODJELU OZNAKA GARANTIRANO
TRADICIONALNOG SPECIJALITETA PREHRAMBENIH PROIZVODA U BOSNI I
HERCEGOVINI**

I Z V J E Š T A J

**o radu Komisije za registraciju oznaka porijekla, oznaka geografskog porijekla i
dodjelu oznaka garantirano tradicionalnog specijaliteta prehrambenih proizvoda u
Bosni i Hercegovini za 2024. godinu**

Mostar, mart 2025. godine

IZVJEŠTAJ

o radu Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini za 2024. godinu

Na osnovu odredbi *Pravilnika o sistemima kvaliteta za prehrambene proizvode* („Službeni glasnik BiH“, broj 90/18), na prijedlog Agencije za sigurnost hrane Bosne i Hercegovine (u daljnjem tekstu: Agencija), u saradnji s nadležnim organima entiteta i Brčko distrikta Bosne i Hercegovine, Vijeće ministara Bosne i Hercegovine donijelo je *Odluku o imenovanju Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini* („Službeni glasnik BiH“, broj 37/24).

U skladu s članom 6. *Odluke o imenovanju Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini* („Službeni glasnik BiH“, broj 37/24) Komisija za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini (u daljnjem tekstu: Komisija) podnosi godišnji izvještaj o radu i stanju u oblasti iz svoje nadležnosti direktoru Agencije koji ga dostavlja Vijeću ministara Bosne i Hercegovine na usvajanje.

Komisiju čine predstavnici sljedećih institucija:

- *Agencija za sigurnost hrane Bosne i Hercegovine,*
- *Ministarstvo vanjske trgovine i ekonomskih odnosa Bosne i Hercegovine,*
- *Federalno ministarstvo poljoprivrede, vodoprivrede i šumarstva,*
- *Ministarstvo poljoprivrede, šumarstva i vodoprivrede Republike Srpske,*
- *Vlada Brčko Distrikta Bosne i Hercegovine,*
- *Federalno ministarstvo trgovine i*
- *Ministarstvo trgovine i turizma Republike Srpske.*

Predstavnik Agencije je ujedno i predsjednik Komisije.

Postupak za registraciju oznake porijekla, oznake geografskog porijekla i oznake garantirano tradicionalnog specijaliteta pokreće se zahtjevom koji se podnosi Agenciji, a isti provodi Komisija. Komisija obavlja poslove u skladu s poslovima i zadacima određenim *Pravilnikom o sistemima kvaliteta za prehrambene proizvode*, kao što su:

- *razmatra zahtjeve za registraciju oznake porijekla, oznake geografskog porijekla i oznake garantirano tradicionalnog specijaliteta prehrambenog proizvoda i predlaže Agenciji donošenje rješenja o registraciji oznake;*
- *razmatra pristigle prigovore;*
- *predlaže dopunu zahtjeva za registraciju oznake porijekla, oznake geografskog porijekla i oznake garantirano tradicionalnog specijaliteta prehrambenog proizvoda;*
- *razmatra zahtjeve za naknadnu izmjenu i dopunu specifikacije prehrambenog proizvoda;*

- *razmatra zahtjeve za pravo upotrebe registrirane oznake porijekla, oznake geografskog porijekla i garantirano tradicionalnog specijaliteta prehrambenog proizvoda.*

U toku 2024. godine Komisija je održala tri sjednicu, dok su se o ostalim pitanjima članovi izjašnjavali elektronskim putem, a na način kako je to definirano *Poslovníkom o radu Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini* (broj: 04-3-02-3-462-3/24 od 15.05.2024. godine). Na osnovu odredbi *Odluke o imenovanju Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini* („Službeni glasnik BiH“, broj 37/24), po okončanom postupku zaštite porijekla, ili zaštite geografskog porijekla, ili zaštite oznaka garantirano tradicionalnog specijaliteta prehrambenih proizvoda, članovi i sekretar Komisije, pod uslovom da su učestvovali u provođenju postupka imaju pravo na novčanu naknadu.

U izvještajnom periodu Komisija je razmatrala sljedeće zahtjeve:

1. *Zahtjev za registraciju naziva „Repovački sir“ zaštićenom oznakom porijekla,*
2. *Zahtjev za registraciju naziva „Hercegovački ćufter“ zaštićenom oznakom geografskog porijekla,*
3. *Zahtjev za registraciju naziva „Fojnički krompir“ zaštićenom oznakom geografskog porijekla,*
4. *Zahtjev za registraciju naziva „Semberski kupus“ zaštićenom oznakom geografskog porijekla,*
5. *Zahtjev za registraciju naziva „Sarajevski ćevapi/Sarajevski ćevapčići“ zaštićenom oznakom geografskog porijekla,*
6. *Zahtjev za registraciju naziva „Majevički dimljeni sir Zarac“ zaštićenom oznakom porijekla,*
7. *Zahtjev za registraciju naziva „Ekstra djevičansko maslinovo ulje Hercegovine“ zaštićenom oznakom porijekla,*
8. *Zahtjev za registraciju naziva „Gatački kajmak iz mješine“ zaštićenom oznakom porijekla,*
9. *Zahtjev za registraciju oznake garantirano tradicionalni specijalitet „Banjalučki ćevap“,*
10. *Zahtjev za registraciju naziva „Rogatički krompir“ zaštićenom oznakom geografskog porijekla,*
11. *Zahtjev za registraciju naziva „Bamija iz Brčko distrikta BiH“ zaštićenom oznakom geografskog porijekla,*
12. *Zahtjev za registraciju naziva „Majevički med“ zaštićenom oznakom geografskog porijekla i*
13. *Zahtjev za registraciju naziva „Travnički sir“ zaštićenom oznakom geografskog porijekla.*

Nakon što je Komisija izvršila stručnu provjeru navedenih zahtjeva, Agencija je iste na prijedlog Komisije prihvatila, te su obavještenja o zahtjevima za gore navedene prehrambene proizvode objavljena u Službenom glasniku BiH.

U Službenom glasniku BiH, broj 36/24 objavljena su obavještenja za sljedeće zahtjeve:

- *Zahtjev za registraciju naziva „Repovački sir“ zaštićenom oznakom porijekla,*
- *Zahtjev za registraciju naziva „Fojnički krompir“ zaštićenom oznakom geografskog porijekla,*
- *Zahtjev za registraciju naziva „Semberski kupus“ zaštićenom oznakom geografskog porijekla i*
- *Zahtjev za registraciju naziva „Hercegovački ćufter“ zaštićenom oznakom geografskog porijekla.*

U Službenom glasniku BiH, broj 38/24 objavljeno je obavještenje za sljedeći zahtjev:

- *Zahtjev za registraciju naziva „Sarajevski ćevapi“/“Sarajevski ćevapčići“ zaštićenom oznakom geografskog porijekla.*

U Službenom glasniku BiH, broj 42/24 objavljena su obavještenja za sljedeće zahtjeve:

- *Zahtjev za registraciju naziva „Gatački kajmak iz mješine“ zaštićenom oznakom porijekla,*
- *Zahtjev za registraciju naziva „Banjalučki ćevap“ oznakom garantirano tradicionalni specijalitet,*
- *Zahtjev za registraciju naziva „Majevički dimljeni sir Zarac“ zaštićenom oznakom porijekla i*
- *Zahtjev za registraciju naziva „Ekstra djevičansko maslinovo ulje Hercegovine“ zaštićenom oznakom porijekla.*

U Službenom glasniku BiH, broj 51/24 objavljena su obavještenja za sljedeće zahtjeve:

- *Zahtjev za registraciju naziva „Bamija iz Brčko distrikta BiH“ zaštićenom oznakom geografskog porijekla,*
- *Zahtjev za registraciju naziva „Majevički med“ zaštićenom oznakom geografskog porijekla,*
- *Zahtjev za registraciju naziva „Travnički sir“ zaštićenom oznakom geografskog porijekla i*
- *Zahtjev za registraciju naziva „Rogatički krompir“ zaštićenom oznakom geografskog porijekla.*

Za sve navedene prehrambene proizvode proizvođačke specifikacije objavljene su na službenoj web stranici Agencije.

U skladu s odredbama *Pravilnika o sistemima kvaliteta za prehrambene proizvode* („Službeni glasnik BiH“, broj 90/18), od dana objavljivanja obavještenja o zahtjevu u „Službenom glasniku BiH“, počinje rok, u trajanju od dva mjeseca za objavu obrazloženog prigovora na objavljeni zahtjev. S obzirom da, u za to predviđenom roku, na navedene zahtjeve nije bilo podnesenih prigovora, Komisija je jednoglasno dala Agenciji prijedloge za donošenje rješenja o registraciji za gore navedene prehrambene proizvode.

U skladu s navedenim, u izvještajnom periodu, Agencija je donijela:

- Rješenje kojim se registrira **OZNAKA PORIJEKLA (ZOP)** prehrambenog proizvoda „**REPOVAČKI SIR**“, Udruženja građana za proizvodnju mlijeka i mesa „**FARMER**“ (Službeni glasnik BiH, broj 58/24),
- Rješenje kojim se registrira **OZNAKA GEOGRAFSKOG PORIJEKLA (ZOGP)** prehrambenog proizvoda „**HERCEGOVAČKI ČUPTER**“, Društva „**Ante**“ Tepčić i (Službeni glasnik BiH, broj 58/24),
- Rješenje kojim se registrira **OZNAKA GEOGRAFSKOG PORIJEKLA (ZOGP)** prehrambenog proizvoda „**FOJNIČKI KROMPIR**“, Udruženja poljoprivrednika Općine Fojnica (Službeni glasnik BiH, broj 58/24),
- Rješenje kojim se registrira **OZNAKA GEOGRAFSKOG PORIJEKLA (ZOGP)** prehrambenog proizvoda „**SEMBERSKI KUPUS**“, Udruženja poljoprivrednih proizvođača „**Semberski kupus**“ (Službeni glasnik BiH, broj 58/24),
- Rješenje kojim se registrira **OZNAKA GEOGRAFSKOG PORIJEKLA (ZOGP)** prehrambenog proizvoda „**SARAJEVSKI ČEVAPI/SARAJEVSKI ČEVAPČIĆI**“, Udruženja sarajevskih čevabdžija („Službeni glasnik BiH“, broj 55/24),
- Rješenje kojim se registrira **OZNAKA PORIJEKLA (ZOP)** prehrambenog proizvoda „**MAJEVIČKI DIMLJENI SIR ZARAC**“, Poljoprivredne zadruge „**Zarac**“ sa p.o. Lopare („Službeni glasnik BiH“, broj 63/24),
- Rješenje kojim se registrira **OZNAKA PORIJEKLA (ZOP)** prehrambenog proizvoda „**EKSTRA DJEVIČANSKO MASLINOVO ULJE HERCEGOVINE**“, Hercegovačke udruge maslinara i uljara („Službeni glasnik BiH“, broj 60/24),
- Rješenje kojim se registrira **OZNAKA PORIJEKLA (ZOP)** prehrambenog proizvoda „**GATAČKI KAJMAK IZ MJEŠINE**“, Udruženja proizvođača gatačkog kajmaka („Službeni glasnik BiH“, broj 60/24),
- Rješenje o upisu u Registar garantirano tradicionalnih specijaliteta **OZNAKE GARANTIRANO TRADICIONALNOG SPECIJALITETA (GTS)** prehrambenog proizvoda „**BANJALUČKI ČEVAP**“, Udruženja za očuvanje garantovane tradicije specijaliteta „**Banjalučkih čevapa**“ („Službeni glasnik BiH“, broj 63/24),
- Rješenje kojim se registrira **OZNAKA GEOGRAFSKOG PORIJEKLA (ZOGP)** prehrambenog proizvoda „**ROGATIČKI KROMPIR**“, Poljoprivredne zadruge „**AGROPLAN**“ sa potpunom odgovornošću Rogatica („Službeni glasnik BiH“, broj 73/24),
- Rješenje kojim se registrira **OZNAKA GEOGRAFSKOG PORIJEKLA (ZOGP)** prehrambenog proizvoda „**BAMIJA IZ BRČKO DISTRIKTA BIH**“, Udruženja voćara i prerađivača voća „**Voćni klub**“ Brčko distrikt BiH („Službeni glasnik BiH“, broj 74/24),

- Rješenje kojim se registrira **OZNAKA GEOGRAFSKOG PORIJEKLA (ZOGP)** prehrambenog proizvoda „**MAJEVIČKI MED**“, Pčelarskog društva „Nektar“ Tuzla („Službeni glasnik BiH“, broj 74/24) i
- Rješenje kojim se registrira **OZNAKA GEOGRAFSKOG PORIJEKLA (ZOGP)** prehrambenog proizvoda „**TRAVNIČKI SIR**“, Udruženja poljoprivrednika i stočara „Karaula - Vlašić“ („Službeni glasnik BiH“, broj 81/24).

Agencija vodi registar prehrambenih proizvoda zaštićenih oznakom porijekla, odnosno registar prehrambenih proizvoda zaštićenih oznakom geografskog porijekla, kao i registar garantirano tradicionalnih specijaliteta.

U 2024. godini, u Službenom listu Evropske unije broj 2932/2024 objavljena je Provedbena UREDBA KOMISIJE (EU) 2024/2932 od 14. novembra 2024. godine o utvrđivanju pravila za primjenu Uredbe (EU) 2024/1143 Evropskog parlamenta i Vijeća u pogledu upisa oznake geografskog porijekla u Unijin registar oznaka geografskog porijekla („Livanjski sir” (ZOGP)).

Na osnovu odredbi Odluke o imenovanju Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini („Službeni glasnik BiH“, broj 37/24), po okončanom postupku zaštite porijekla, ili zaštite geografskog porijekla, ili zaštite oznaka garantirano tradicionalnog specijaliteta prehrambenih proizvoda, članovi i sekretar Komisije, pod uslovom da su učestvovali u provođenju postupka imaju pravo na novčanu naknadu. U skladu s navedenim, isplaćene su naknade u iznosu od 6.825,00 KM, te pripadajući porezi i doprinosi u iznosu od 2.633,18 KM. Za troškove prijevoza isplaćeno je 194,00 KM. Prihodi od naknada za postupak registracije oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini uplaćenih na konto prihoda Agencije - 722593 u 2024. godini ukupno iznose 7.100,00 KM.

U ovom Izvještaju Komisija je dala presjek realiziranih aktivnosti u oblasti registracije prehrambenih proizvoda oznakama porijekla, geografskog porijekla i garantirano tradicionalnog specijaliteta u Bosni i Hercegovini, u toku 2024. godine.

Ovaj Izvještaj sačinili su članovi Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini i isti dostavili Agenciji s prijedlogom da se Izvještaj dostavi Vijeću ministara Bosne i Hercegovine na razmatranje i usvajanje.

Polazeći od naprijed navedenog, predlaže se Vijeću ministara Bosne i Hercegovine, da nakon razmatranja Izvještaja o radu Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini za 2024. godinu donese sljedeći:

ZAKLJUČAK

- 1. Usvaja se Izvještaj o radu Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini za 2024. godinu.*